

بِسْمِ اللَّهِ الرَّحْمَنِ الرَّحِيمِ

KHUTBA JUMMAH

HAZRAT MUHYI-UD-DIN AL-KHALIFATULLAH

Munir Ahmad Azim

23 Septembre 2016 ~
(21 Dhul-Hijjah 1437 Hijri)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite cause lors « Le Temps : Ene Grand Diben. »

يَا أَيُّهَا الَّذِينَ ءَامَنُوا اتَّقُوا اللَّهَ وَلْتَنْظُرْ نَفْسٌ مَّا قَدَّمَتْ لِغَدٍ
وَآتَقُوا اللَّهَ إِنَّ اللَّهَ خَبِيرٌ بِمَا تَعْمَلُونَ ۝

Yaaa-'ayyuhallaziina 'aamanut-taqullaaha wal-tanzur nafsum-maa qaddamat ligad. Wattaqullaah : 'innallaaha khabiirum-bimaa ta'-maluun.

« Ô bane croyants, crainde Allah : sakaine bizin guétté ki li fine préparé pou demain. Crainde Allah, parce ki Allah bien informé de ce ki ou faire. » (Al-Hashar 59: 19).

Bane mois, l'années, bane la nuits et bane zours zot bane moments pour faire bane actions, bane travailles et zot ene mesure de la durée de la vie; tous sa là pou fini et zot pou passer bien vite.

La nuite et li zour succède ene après l'autre sans arrêté. Le temps rapproche saki loin, li ize (vieilli) saki néf et li affaibli même celui ki pli solide. Commié kitchose dimounes ti pé attane dans l'avenir et pas fine zamais concrétisée? Et commié bane kitchose ki nous (c'est-à-dire, bane dimounes) ti pé espéré pour demain ki zamais fine vini, ki zamais fine materialisé?

« Toutefois Allah zamais pou renvoye terme kikaine, kan sa fine arriver. Allah bien informé de séki ou faire. » (Al-Munaafiqun 63 : 12).

Dans trois mois, ene l'année de nous la vie pou bientôt terminer, pour faire nous rappelle ki sa lé monde là pas éternel. Au contraire, sa lé monde là li ene piège ; commié fois li fine trompe bane dimounes kot zot fine alle penser ki zot pou capave vivre là-dans éternellement ! Et commié fois encore li fine fini (détruire) bane dimounes ki fine plonge zot là-dans ! Abdullah Ibn Umar (ra) fine rapporté : *« Rassoollullah (saws) fine attrape mo zépaul et fine dire moi : Vive dans sa lé monde là comme si to ene étranger ou ene voyageur. »* Et Ibn Umar (ra) fine dire (concernant sa sujet là) : *« Kan to arrive trouve le soir, pas attane le lendemain (matin), et kan to lève (to réveillé dépi to sommeil), pas attane le soir; et profite de to la santé avant ki to tombe malade, et (profite) de to la vie avant to la mort. »* (Bukhari).

Des z'années et des années fine passer kot zot fine être ene témoin pour nous ou sois contre nous ; c'est à nous maintenant pou faire zéffore pou augmente bane bons actions, bane bons travaux dans nous la vie, pou rattrape saki nous fine manqué et pou profite lé temps ki nous resté avant ki le destructeur de bane plaisirs (c'est-à-dire, la mort) vine surprendre nous (nek ene coup).

Jabir (ra) fine rapporté ki li fine entende le Saint Prophète Muhammad (saws) dire à ene dimoune tout en donne li ene réprimande et conseil : *« Profite de cinq kitchoses avant cinq les autres : de to jeunesse avant to vieillesse, de to la santé avant to maladie, de to richesse avant to pauvreté, de to lé temps libre avant to bane préoccupations (to bane travailles), et de to la vie avant to la mort, parski pas ena pardon après la vie de sa lé monde là, et pas ena kit la caze après sa lé monde là sauf le paradis ou l'enfer. »*

D'après Abu Maalik Al-Ashari (ra), Rassoollullah (saws) fine dire : *« Tous bane dimounes sorti le matin et vende zot l'âmes, soit zot libère sa bane là l'âmes là, ou soit zot détruire zot. »* (Muslim).

D'après Abdullah ibn Massud (ra), Rassoollullah (saws) fine dire : *« Zenfant Adam pas pou quitte position deboute devant so Rab le Jour du Jugement ziska ki interroge li lor cinq kitchoses : Lor so la vie, couma li fine passe li ? Lor so jeunesse, couma li fine servi li ? Lor so l'argent, couma li fine gagne li et dépense li ? Et (aussi) ki li fine fer avec connaissance ki li fine apprane. »* (Tirmidhi).

Et Ibn Massud (ra) fine dire : *« Zamais mo fine regréte ene kitchose, couma ene zour (dans mo la vie) kot soleil fine alle coucher, et ki mo la vie fine diminié sans ki mo fine augmente mo bane bons actions. »*

Le Saint Prophète (saws) fine certainement dire : « *Le meilleur d'entre zot c'est celui ki so la vie fine prolongé et ki so bane actions fine perfectionné.* » (Tirmidhi).

D'après Abu Bakr (ra), ene missié fine demander : « *Ô Messenger d'Allah ! Ki sanlà le meilleur parmi bane dimounes ?* » Li (saws) fine réponde : « *Celui ki ena ene longue la vie et ki accompli bane bons actions.* » Dimoune là fine alor demander : « *Ki sanlà le pire parmi bane dimounes ?* » Le Saint Prophète (saws) fine réponde : « *Celui ki ena ene longue la vie et ki accompli bane mauvais actions.* » (Bukhari).

Et faudé pas nous oublier aussi sa Hadith là, ki rapporter par Muslim, ki dire ki Allah ouvert So la main la nuit afin ki celui ki fine commette bane péchés pendant la journée capave repentir.

Alor ki sakaine d'entre nous juge li-même, car celui ki pou juge li-même pou gagne le bonheur, et celui ki pou surveille so l'âme et corrize li, pou gagne le succès. Et anou précipité vers ene l'endroit kot so bane habitants zamais pou mort, kot so bane la cazes (ki bane habitant du Paradis pou recevoir) zamais pou détruire, kot so jeunesse zamais pou fini, et so beauté zamais pou changé. Le Saint Prophète Muhammad (saws) fine dire : « *Celui ki rentre dans paradis, pou gagne bane plaisirs et pas pou conne bane mal ; so bane linzes zamais pas pou vine vié et so jeunesse zamais pas pou fini.* » (Muslim).

Donc, nous bizin touzour garde à l'esprit ki sa monde là li nek temporaire sa, et ki nous vraie la caze li pas trouve dans sa lé monde ici-bas là. Nous la caze li ene telle la caze ki zamais auparavant nous pas fine trouver. Sa grand surprise ki pou rempli dimounes avec plaisir, Allah fine réserve sa à So bane serviteurs pieux et obéissants, bane ki faire zéffore pou efface zot bane erreurs et péchés dans le rappel d'Allah et à travers la repentance, bane ki consacré zot la vies dans la propagation de la vérité ultime d'Allah, bane ki adore Li (Allah) sans associer qui que ce soit (ou quoi que ce soit) avec Li, sa bane-là même pou gagne ene mesure complet de zot récompenses.

Alor faudé pas nous perdi nous lé temps, lé temps précieux ki Allah fine donne nous, faudé pas nous gaspille sa dans bane travaux et plaisirs inutile. Anou consacré nous dans faire la religion d'Allah, l'**ISLAM**, vine la raison-d'être de sak l'âme, afin ki li retrouve so vrai chemin vers Allah dans sa parcours rempli d'épreuves ki sa lé monde représenter. Ki Allah aide nous dans sa mission là, et béni nous avec ene félicité complet dans tous les deux lé mondes (ici-bas et *Aakhérat*). *Ameen.*